

DISSERTATIO ACADEMICA

DE

GALEIS HOMERICIS,

CUJUS

PARTEM PRIOREM,

SUFFR. ORDINE AMPL. PHILOSOPHORUM AD AU-
RAICUM INCLYTUM ATHENÆUM,

PUBLICO EXAMINI MODESTE SUBJICIUNT

CAROLUS GUST. NYKOPP,

Philos. Magister & Amanuensis Consistorii Acad.

ET

FRIDERICUS GRÖNHOLM,

Satacundensis.

In Auditorio Medico die IX. Maii MDCCCXII

H. A. M. S.

ABOÆ, Typis FRENCKELLIANIS.

DISSEMINATIO ACADEMICA

na

CARTA MONETARIA

DE AERI ORIGINIS IMPERIALIS ET DE AG
VALDUM EXCELSUM ET INGENUUM

DE CAVATIS ET TERRIS IN MONTIBUS ET ALIAS

CARDOVUS GESTA VITAE
EX CAVATIS ET TERRIS IN CAVATIS ET ALIAS

TRIBUTICUS GESTA TERRIS

IN CAVATIS ET TERRIS IN CAVATIS ET ALIAS

18. 10. 18.

ABOVE, THAT IS TO SAY, THE



Peregrinantis per orbem terrarum viatoris, nunc loca abs-
trusa, amœna tamen mirabilique multiplicis naturæ va-
riete sensus dulcissime afficiente conspicua, tacite obambu-
lantis, nunc per vasta deserta, silvis confita opacis nec nisi
foedis abrupta paludibus vel montium inaccessorum jugis,
vagantis fortem subire videtur is, qui campos litteraturæ
antiquæ amplissimos peragrare in animum sibi induxerit.
Nam ut *Ille*, locorum interdum permulsus pulchritudine, in-
terdum vero saltuum, montium ac præcipitorum frequentia
impeditus, iter suum vel lætus instituit, vel tristis, semitarum,
quibus sibi incedendum erit, incertus, pasibus facit ambiguis:
ita etiam *Hic*, antiquorum pervolutans, divitis ingenii &
phantasiæ plenisima, miroque dicendi lepore salibusque con-
spersa, haud tamen raro ambigua, vanisque opinionum com-
mentis atque inexplicabilibus Mythis referta, volumina, aut
ketissimo voluptatis sensu perfusum se sentit, aut tædio af-
fectus errandique timidus hæret. Quemadmodum vero idem
Ille, itineri se commisurus, non modo regionum a se per-
agrandarum topographiam, verum diversam quoque diversa-
rum incolarum indolem notissimam sibi reddit, omnique, quo

A

opus

opus fuerit, apparatu se instruit hodeporico: sic etiam *Hic*, si prospere sibi succedat difficultas, at jucundissimus insimul, labor, variis opus habet adminiculis. Haud enim sufficit, ipsam linguam, qua exaratae sunt antiquorum scriptorum reliquiae, didicisse, genioque ipsius cognoscendo sedulo studuisse; Mythologiæ etiam atque Archaeologïæ (cetera subsidia hermeneutica ut taceam) perfectam cognitionem bono interpreti summae esse necessitatis, quisque peritus & æquus rei æstimator ac judex lubens concesserit. Prisci namque homines, superstitione capti & lucis a Philosophia sana atque solida sparsæ expertes, sensuumque externorum imperio mirum quantum subjecti, phænomenorum vero naturæ vi perterrefacti, non modo vanæ apotheosandi confuetudini sunt obsecuti, verum rebus quoque inanimatis divinitatem quandam inesse finxerunt atque putarunt. Hinc multitudo illa mythorum atque fabularum saepè anilium, quibus scatent veterum scripta. Auctores quippe hujuscæ ævi, commentitiis ducti opinionibus, vel potius genio temporis blande indulgentes, res in facto positas narrationibus fictis atque mythicis ita implicatas atque involutas memoriae mandarunt, ut scripta eorum ne tantillum quidem intelligere atque rite explicare valeat, qui studium Mythologiæ neglexerit. Ad Archaeologiam vero quod attinet, per se patet, magni quoque faciem adesse monumentorum & antiquitatum veterum familiaritatem atque notitiam. Sunt enim, ut caique genti, ita cuique ætati, sui mores atque ritus proprii, quos edax rerum destruit atque consumit tempus: eoque pacto fit, ut antiqui ævi auctores, licet de notissimis atque tunc temporis in usu existentibus scripserint rebus, nobis tamen, præterlapsis tot saeculis, obscuri & incomprehensibiles evadant, nisi, ad explicanda eorum scripta accedentes, rerum, operum, atque monumentorum, quæ tradunt, notitiae comparandæ sedulum impenderimus laborem. Homerum ex. gr., inexhaustum huncce omnigenæ antiquæ doctrinæ ac sapientiæ fontem,

evol-

evolvas, atque in plurimis certe locis res invenies obsoletas, inauditas, incognitas, ita ut Poëtarum patrem atque principem non nisi Archæologiae probe ḡarūs atque peritus prehendere & interpretari sustineat.

In antiquam vero litteraturam, Græcam puta, omnis doctrinæ matrem, filiamque ipsius atque imitatrixem Romanam, qui eruditos intenderit oculos, facili omnino perspiciet negotio, maximam vel saltem haud exiguum ipsius partem de rebus agere bello gestis. Ut enim antiquissimi homines summam, vel unicam potius, laudem & gloriam bellica quæsiere virtute: sic & antiqui ævi scriptores, Poëtæ non minus, quam Historici, nullas fere alias quam bellicas res tractatu dignas judicantes, in deliciis habuisse videntur, easdem in primis celebratas sistere atque descriptas. Quamobrem, qui scripta Græcorum, præsertim vero Homeri, paullo attentius pervolutaverit, nullo intelliget negotio, quantum cuique litterarum antiquarum cultori intersit, eam præcipue nosse antiquitatum veterum partem, quæ belli spectat apparatus, quantaque apud Mæonium Vatem occurat armorum varietas, quam artificio fabrica, quamque multa ambigui sœpe sensus epitheta. Ut vero Græci antiqui arma, quæ ad corpus munendum, majori omnino, quam quæ ad hostem lædendum inservirent, cura elaborarunt; ita etiam Vatum Pater, arma aggressoria pressius definiens, defensoria contra tanta depingit divini ingenii copia, tanta ornat epithetorum ubertate ac varietate, ut, quid in recessu habeant, vel sagacissimus sœpe hæreat interpres. Quis ex. gr. nescit, quanto artificio elaborata, munita, ornata sistit Heroum scuta? Divinus nempe fatorum Trojanorum Præco, temporis gentisque suæ genio mire blandeque obtemperans, tanta diligentia, tantoque ornamentorum apparatu clypeos depingit Heroum, quanta cura, quantaque sollicitudine ipsi eosdem confecerunt, confessosque pugnantes fervarunt, vitam potius honeste ponendam, quam

clypeum turpiter mittendum existimantes (*a*). Galearum vero si vel brevius facta est mentio, fabrica tamen sua artificiosa, epithetorumque copia, varietate, ambiguitate, omnem nostram merentur attentionem. Tanto itaque minus ineptum judicamus, *Galeas Homericas breviter dilucidatas exhibere*, quo certius simus persuasi, in ipsis explicandis nodum, ut dicitur Gordium, legentibus Homerum haud raro sese offerre: laborem huncce frustra haudquaquam suscepimus existimantes, si quid ad veritatem eruendam conducere valuerimus. At si minus bene succeserit difficilis, viribusque tenellis impar omnia conatus, Tuum L. B. erit, æquum & mite ferre judicium.

S. 1.

Neminem, qui immortalia Homeri carmina vel paululum diligenter versarit manu, fugere potest, diversis omnino sub nominibus, apud Principem Poëtarum capitis occurrere munimenta, cuius generis sunt: κυνη, καταιγυξ, κορυς, τρυφαλεως, πηληξ, atque σεφαη (*b*); quæ tamen omnia licet materia, forma

a) AMMIANUS MARCELLINUS, Rerum Gestarum Lib. XXV, narrat, Epaminondam, e vulneribus moribundum, anxie queritasfe, an scutum ejus eset in tuto. In CORNELIO NEPOTE, Vita Chabria, legitimus, Chabriam, navi fidente mori maluisse, quam armis abjectis fugere. PLUTARCHUS in Apophthegm. Lacon. dicit matres in Sparta filios ad bellum proficiscentes his allocutas fuisse verbis, Η ταν, η επι ταν, aut cum hoc (scuto sc.) aut super hoc. In Pelopida vero docet, Legumlatores, illos, qui clypeos, non vero eos, qui hastas in pugna amiserant, poena plexisse.

b) Περικεφαλαια recentior est galeæ denominatio in POLYBIO occurrens. Neque μεσνος, cuius idem ac τα κορυδος etymon, apud Homerum, sed PLUTARCHUM in Camillo & POLLUCEM in Ostromastis eo (Lib. I. c. 10, segm. 135) occurrit.

forma atque ornamentis multum inter se differant, diversas constituerent non videntur species, certis notis atque characteribus distinctas. De iis igitur, quid in universum memoratum dignum sistat Poëta, eo afferemus ordine, ut primum *materialiam*, deinde *formam*, & postremo *ornamenta* varia explicare conemur.

Quod vero priusquam adgredimur, a re abesse haud videtur, breviter disquirere: quis galeam apud Græcos primus invenerit, usumque ejus intulerit? quæ quidem nodosa adeo & difficilis est quæstio, ut, quomodo solvenda sit, jure hæreant auctores. Ea quippe ingenii mentisque humanæ est indoles, ut, in scientiarum æque ac artium studiis, e rudibus, mature tamen positis, tirociniis progressi, lento tardoque gradu ad perfectionem procedant mortalium conatus atque molimina. Quo fit, ut qui cujuscunque fere artis incunabula primamque originem investigare instituerit, fabulosis atque Mythicis canæ vetustatis narrationibus illaqueatus, tuto haud sciat, ubi finem exitumque invenire liceat. Quod vero si de artibus atque inventis in genere statuendum sit; quanto majori cum jure de apparatu bellico? Ut enim innata illa animis mortalium vitæ suæ conservandæ & contra vim aliorum defendendæ cura omnium prima est & princeps; ita etiam, neglectis adhuc spretisque pacis studiis, mavoriis conficiendis armis, primam quoque operam studiumque impendit rude atque ferox genus nostrum, nullam vitam sine armis ratum. Mature igitur apud Græcos, & quidem jam in prima gentis hujusce infantia, in usu fuisse, ut alia arma, sic etiam capitis munimenta, credere fas est: at quando, & a quo, inventa, sensimque perfectiora redditæ fuerint, frustraneus omnino exquirendi erit labor. Relatum quidem a PLINIO (e) legimus,

apud

(e) Hist. Nat. L. VII, c. 56.

apud Spartanos inventam fuisse, tam galeam, quam hastam atque ensim: quod vero effatum, de iis tantum laudatorum armorum speciebus, quae solis Lacedonibus in usu fuere, restringendum esse judicamus; prius enim, quam exstitit gens Spartana, arma cuiuscunque demum generis, aliis Græciæ incolis haud ignota fuisse, graves adsunt rationes (*d*). Neque ipsi Mythologi, Martem, utpote cui bellica curæ esent studia, arma primum confecisse, confessaque induisse, narrantes, Mythicarque ex ipsa arte, ut saepe alias, singentes personam in numerum Deorum deinde relatam, aliud innuisse videntur, quam ut primus armorum inventor iisdem prorsus latuerit. Patet igitur jam hinc, qua fide illa apud SUIDAM (*e*) digna sit sententia, qua Græcorum galeam a Cane quoddam (*αππος Κυρος των*) primum confecitam fuisse, indeque nomen *xuvēs* fortitiam esse adstrat; tacentibus enim hac de conjectura aliis antiquitatum interpretibus, non est quod in opinionem diu explosam ulterius inquiramus. Currente vero tempore, cum bellandi arte & gloria inclarescere jam cœpissent Græci, laudatissimas, optimasque galeas apud Boëtios, & confessas fuisse, & exhibitas POLLUX nos facit certiores (*f*).

§. 2.

Primum vero locum inter omnes galeæ species jure quasi suo occupat *xuvēs*; quippe quod non modo usus ipsius latissime patuerit, verum antiquissima etiam atque maxime generalis fuerit hæcce denominatio. Ut enim antiquissimi

ævi

d) Cf. POTTER, *Griechische Archæologie II.* Th. p. 60.

e) *Lexicon Homericum sub voc. Kυρος.*

f) *Onomasticon L.* I. c. 10 segm. 149.

— 7 —

ævi homines, artium expertes, coria animalium corpori vestiendo maxime idonea judicarunt; sic etiam e ferarum exuviis, prima capitinis munimenta, exiguo vel nullo adhibito artificio, confecta fuisse, admodum videtur probabile (g). Ratio vero denominationis si reddenda sit, vulgaris utique nobis arridet sententia, qua pellem canis cujusdam fluvialitis vel marini (*κυνος ποταμιας*) huic usui in primis inservisse, antiquitasque ideo capitinis munimentis nomen *κυνεν* sc. *dogas* i. e. *canine pellis*, per ellipsis *κυνεν* (quemadmodum & alia Græcorum adjectiva vices sustinent substantivorum), impositum fuisse, asseritur. Neque dubitamus, quin nomen hocce usu ita invaliderit, ut, licet pristinum illud tegumenti genus in desuetudinem postea abiisset, ad omnes tamen galeas, e quacunque demum confectas materia, quomodounque formatas & quibus-
eunque distinctas ornamenti, translatum sit (h). Cave autem credas, bellicum tantum hoc nomine celebre fuisse capitinis velamentum: cum enim Laëritem, opere rusticō occupatum, *κυνεην αγεμ* indutum fuisse legimus (i), oppido liquet, *κυνεην* priscis fuisse quodvis *ερυμα* & *παν σκιαδιου της κεφαλης*, quod HESIODUS *πιλον ασκητον* vocat (k).

Kaz.

g) Antiquissimi etiam militum Romanorum, e corio confectis usi sunt galeis, quas *pileos Pannonicos* vocat VEGETIUS: L. I. c. 20.

h) Cfr. EUSTATHII Παρεκβολαι εις την Ὁμηρον Ιλιαδα L. III. v. 336; ARISTOPHANIS *nubes* p. 75 v. 1; HESYCHII *Lexicon*, & APOLLONII SOPHISTÆ *Lexicon Græcum Iliidis & Odysseorum*, atque C. T. DAMMI *Novum Lexicon Græcum Etymologicum & Realis*, sub voce *κυνη*.

i) Od. XXIV: v. 230.

k) *Εργα και ήμεραι* v. 524.

Kαρυτος parum, nec nisi defectu ornamentorum formaque minus celsa, a praecedenti galeæ genere erat diversa. Fuit neimpe, ut ex ipsa vocis etymologia (a καρω & τευχω) locoque Homericō, ubi mentio ejus unice facta est (Il. X: 253), luculenter patet, e corjis confecta omnique ornamenti apparatu destituta, qua formam vero, simplex, plana & depresa. Sed ut vilior fuit minorisque, quam ceteræ galearum species, pretii: sic etiam a junioribus in primis usurpata fuit Martis alumnis (*απο των αιγανων* (l)), & iis, qui vel pauperioris humiliorisque fuere conditionis, vel magnam adhuc rei militaris adquirere sibi non valuerant famam atque laudem. Heroës enim, bellica arte laudeque quo magis inclaruere, eo quoque majori cum eura in id incubuerunt, ut arma, totusque iplorum belli apparatus famam sequaret, augeret, superaret. Quare etiam divinus Iliadis Conditor, orationem stilumque pro diversitate rei tractandæ mirum in modum varians, maximo omnino splendore, omniibus orationis floribus eorum depingit arma, qui virtute, armis, viribusque præ ceteris clari fuere atque nobiles (m). Quis arma nescit Hectoris? Quis Pelidos?

Kopos (a καιην) tum appellari cœpisse galeam, cum, ad iugis hostiles a capite melius arcendos, magis celsa, firma atque in apicem desinens artificiose elaborata esset, docent, præter ipsius vocabuli, non modo summitatis, verum & rotunditatis atque convexitatis vim sensumque habens, etymon,
etiam

l) Vides. Il. X: 259 coll., cum Erklärende Anmerkungen zum Homer von J. H. J. KÖPPEN ad hunc locum.

m) Οθεν 'Ομηρος μεν αει τες θαρρεστερατες και μαχιμωτες αυδεις εν και καλως ωπλισμενος εξαγει προς τες αγωνας'. PLUTARCHUS in Pelopida,

— 9 —

etiam plura, quæ in Homero occurrunt, ejus epitheta. Artilibus quippe magis excultis, majoribusque in re militari ac perficiendo apparatu bellico progressibus factis, galeas suas, vel æreis laminis munitas, vel totas quantas ex ære confici atque elaborari satius duxere Heroës. Fuit igitur hoc in primis inter κυνηγοὺς & κορυθαῖς discrimen, quod illa, aut e coriis solum, aut etiam e coriis ære firmatis, hæc vero nunquam e solis pellibus, sed metallis (*n*) multo adhibito labore atque artificio confecta, majori plerumque insignis fuerit ornementorum apparatu (*o*). Neque tamen tanta inter ipsas fuit differentia, ut certis signis notisque semper & ubique distinctæ diversas omnino constituerent species: eadem quippe e contrario acerrimi ingenii ubertate utramque haud raro depingit Vates, iisdemque ornat epithetis, quin & utramque alternat denominationem (*p*).

B

Teu-

n) Nulli tamen negamus, κορυθαῖς, pannum quendam vel corium fuisse subsatum; quin potius, si quis contenderit, laudatam galeæ speciem, ne caput militis a metallo nimis tereretur, intus panno quodam vel pelle fuisse munitam, (eodem fere modo, ac galea a Merione dono Ulyssi data, quam dentibus suillis ornatam gausape que interne instructam fuisse ipse docet Poëta Il. X: 265), sententia ejus album faciles adjiceremus calculum.

o) Βριταιη, πάμφανοςσα, λαμπρού γανοσσα, παναιδος, Φασιη, δειδαλη, &c. sape vocatur κορυς, nunquam vero, quantum nobis quidem notum est, κυνη. Sic etiam ad illam, non autem ad hanc, spectant: αναματον πυρ, αυγη Χαλκη, κυμβαχος & cetera splendorem atque ornatum denotantia enunciata.

p) Ut Romanorum distingui solet galea a casside; sic differre videtur κυνη a κορυς & πηληξ: ponuntur vero, quemadmodum Romanorum, cassis & galea, etiam promiscue, ut Il. XII: 182 & 183; XX: 397 & 398.

Τρυφαλεῖα (pro τριφαλεῖα, & τρις & φαλος (q)), galea tribus fulgens conis, proprio epitheton, deinde vero galeæ proprium, pluries apud nostrum occurrentes, nomen. Ut vero κυνη̄ ornamenti desituta, καταιτυξ, sic etiam κόρυs iisdem frequentibus gaudens, τρυφαλεῖα appellatur; omnes enim, quos nobis consulere licuit, in eo consentiunt interpretes, quod hoc nomine nuncupata fuerit galea tribus decorata φαλοis f. eminentiis (r). Neque ipse KÖPPEN illud suum probat interpretandi periculum, quo, quia haud raro in aliis etiam compositis vocabulum τρι, vim habet αὐξησως, τρυφαλεῖα quoque, ad hanc linguae analogiam, per galeam magno validoque cono instructam exponi posse contendit, verisimilius quippe dicens, galeam hancce tribus revera munitam fuisse φαλοis f. conis (s).

Πηληξ (a παλλω) antiquitus cristam casidi superne impositam significasle refert POLLUX (t), a quo neque multum abludit APOLLONIUS (u); moris nempe apud Græcos fuit,

q) Sic Grammatici fere omnes plurimique aliorum Interpretum: HEYNE tamen, Variæ Lection. & Obs. in Il. III. 372, aliud etiam assert etymon, a τρυεν, quia conus perforatus est & aperturam habet, αυλον illum, cui inseritur crista, vocabulum τρυφαλεῖα deducens.

r) Cfr. EUSTATHIUS L. c. II. V: 182; DAMM, HESYCHIUS, & APOLLONIUS LL cc. sub voce τρυφαλεῖα, it. SCHNEIDER, Griechisch-Deutsches Handwörterbuch sub eadem voce, & KÖPKE, über das Kriegswesen der Griechen im Heroischen Zeitalter, p. 94. Sic etiam VIRGILIUS Aeneid. VII. 785 Turnum depingit: "Cui triplici crinita juba galea alta" - - - .

s) Cfr. KÖPPEM L. c. ad Il. III: 372.

t) L. c. lib. IV. segm. 6x, his usus verbis: "Πηληξ δέ ου μονού α της περικεφαλαιας λόφος, αλλα - - - -".

u) Argonaut. L. II: v. 922. Τετραφαλος φοινικι λοφω επελαμψετο πηληξ.

fuit, galeas suas, non modo semet ipsos ornandi causa, verum ad terrorem etiam hostibus in cutiendum, crassis altis amplisque, atque interdum pluribus decorare. Hinc, ob crassam hancce vibrantem atque, heroibus impetum in adversarios facientibus, vehementer nutantem, tota sic appellata est caslis. Quam ipsam denominandi rationem, ab APOLLONIO & HESYCHIO firmatam (*v*), in primis innuunt II. XV: 603 & 647. At diversam adeo a præcedentibus speciem, ut confundi nequeat, πηληκα constituisse, haud facile quisquam probaverit; quippe quod nulla adit nota, nullus character, quo a ceteris omnibus tuto posse dignosci. Diversa quidem est denominatio; sed non res ipsa: ex eadem enim ac κορυς conficiebatur materia, eadem gaudebat forma, atque iisdem decorabatur ornamentis. Minus tamen crebro apud Homerum occurrit.

Στεφανη (a σεφω), species galeæ, & quidem e metallo confectæ; nullis namque nisi metallicam materiem spectantibus gaudet cognominibus, ut χαλκη, χαλκοβαρεια, ευχαλκος, &c. Qua vero in primis re ab aliis differat atque distingui possit, statuendi haud facilis est labor, licet forma ejus rotunda & in modum corone redacta ex ipso jam pateat nomine. Verum tamen denominandi rationem explicaturis, duæ se nobis offerunt viæ, a Lexicographis aliquique interpretibus jam dudum apertæ. Aut enim, per synecdochen ita dicta est tota hæc galea a parte illa, qua collum tegere definit, quia quicquid circulum vel circuitum facit, (igitur etiam galeæ ad collum prominentia circularis), σεφανη dicitur; aut etiam, quod annuentibus KÖPPEN & POTTER (*x*) magis

v) Uterque LL. cc. f. v. Φαλος iisdem his verbis: "Πηληξ,
περιφαλαια, απο τω παλλεθαι, ο ει πινεθαι".

x) ILLE Libro, locoque nuper citato; Hic Lib. r. p. 159.

arridet, hoc nomine ea insignis fuit galea, quæ superne informam coronæ vel circuli φαλάροις, conis, clavis vel quibuscumque prominentibus distincta fuit ornamentis, quæque ideo, περιφαλάραι εξοχας εχεσθε a Grammaticis vocatur, ansam explicationis ab II. XIII: 138 arripiuntibus, ubi οφαντι idem est ac εξοχη τε ορεος. Quamvis etenim, vel APOLLONIO atque HESYCHIO testibus, certum sit, fuisse muliebre quoddam apud antiquos capitis ornamentum hoc nomine celebre; galeæ tamen, ob quandam cum illo similitudinem idem nomen tributum esse, ejus rei nulla apud antiquos reperimus vestigia.

§. 3.

Constat igitur, tam ex iis, quæ hucusque disseruimus, quam e consentienti auctorum testimonio; in primis vero ipsius HOMERI, prima & antiquissima Græcorum capitis munimenta, sive aëris injurias, sive impetus hostiles propulsatura, ex animalium exuviis fuisse fabricata. Pari modo antiquissimas Romanorum galeas e pellibus fuisse confectas, non modo ipsa nominis etymologia indicat (y), sed testis, præter alias, est etiam Romanus ille laudum Homericarum æmulus, qui Aventinum sic ornatum munitumque ficit (z).

"Ipse pedes, tegmen torquens immane leonis,
"Terribili impexum seta, cum dentibus albis,
"Indutus capiti, sic regia testa subibat.

Quænam vero animalia huic usui pelles in primis suppeditaverint, ex epithetis in Poëta passim occurrentibus liquido patet; ad quæ igitur explicanda properandum.

Anti-

y) Est enim *galea* dicta a Γαλη Mustela, cuius pelle ad *galeas* comficiendas præsertim usi sunt antiqui.

z) *Aeneid*, Lib. VII. v. 666;

Antiquissimam galeam e pellibus ferarum, quæ tunc temporis canes (*κυνες*) vocabantur, sæpissime suisce confectam, jam supra montimus; unde etiam *κυνη*, *canina*, adeo vulgare fuit galeæ cognomen, ut deinde in nomen proprium quoque ejus abierit usus. Præterea vero sunt: *αγεν*, *caprina*; *τραγη* & *εις πομηη*, *e bubula pelle confecta*; atque *κτιδη*, *mustelina vel viverrina*; sic enim *κτιδη* recte verti, veri est simillimum. Consentient namque in eo plurimi Lexicographi aliquique interpres, quod sit *κτιδη* per aphæresin pro *ικτιδη* (a); &, licet neque ipsis certo constare videatur, cujusnam generis & speciei animali fuerit *ικτις*; collatis tamen hac de re auctorum judiciis, ad *viverra* vel *mustela* genus commode referri poterit (b). In universum de cetero tenendum videatur, vocabulum *κυνη*, *κτιδη*, &c. non unam tantum animalium speciem apud Homerum significare; quin contra haud inepte statui poterit, tota sæpe intelligenda esse genera, neque ea quidem, tanta subtilitate & accuratione definita, ac jam a Scientiæ Naturalis magistris fieri solet. Atque hoc idem fortassis, subobscure licet, innuere voluit, POTTER (c), epithetis galeæ Homericis annumerans quoque cognomina

αλω-

(a) Cfr. EUSTATHIUS & KÖPPEN LL. cc. ad Il. X: 335; SUIDAS, DAMM, & SCHNEIDER sub voce *κτιδη*. APOLLONIE tamen *ικτις* aliud esse videtur, quam *ικτις*.

(b) SUIDAS l. c.: "Ικτις δε ζωον γαλη παραπλησιον"; APOLLONIUS: "ικτις γαρ ει το ζωον ομοιον γαλη μηρω, μεγεθε διαφερεται της γαλης το μεν τεττα δερμα ευθετο Φασιν ενας εις περικεφαλαιας". DAMM l. c.: "Ζωον ενδεξον ιχθυοφαγον, ως οι καζοφε; quod probat verbis: *ικτιδας* ενδεξεται, ab Aristoph. Acharn. 880 mutuatis, vertitque *viverra*, eis *bisolti* Otter.

(c) Lib. c. p. 54.

κλωπηρεν atque Λευτεν, que tamen, quantum scimus, in Homer de galeis admixta non occurunt. Ipsas vero pelles, priusquam in uim verterentur, quo laetmodo præparatas semper fuisse, credendi tanto minus illa adest ratio, quo certius constet, galeas e pellibus omnino hirsutis, nulla persicendi arte adhilita, fuisse confectis. Quid? quod antiquissimi ævi heroës, quo galeas suas visu horridiores redderent, lauces ferarum laniandi cupidarum isdem affinxerint (d).

Simplices itaque & e solis animalium exuviis confectæ ab initio erant galeæ. Factis vero in bellandi arte majoribus progressibus, ad manuenda capita, propulsandosque impetus hostiles, e simili minime sufficientes esse, multa edocuit experientia. Hinc, quo, ope aliunde petita, firmiores redderentur, non modo laniinis ligamentisque æreis roboratae fuere atque munitæ, verum totæ quantæ etiam ex ære haud raro fabricatæ, ut ex epithetis: χαλκης, ære constructa & aptata, χαλκηρος, ærris gaudens genis s. lateribus, χαλκοβάσεια, æri gravis, βαρης, gravis & firma, ευχαλκος, bene ex ære facta, παγχαλκος, ita ex ære, cet. oppido liquet (e). Verum tamen ne sic quidem satis firma atque dura heroibus visa est galea; quare τριπτυχος, triplicatam vel tribus plenis compositam, Hectoris galeam fuisse docet Mæonius Vates.

Patet

d) Sic STATIUS de Romanis L. VII. Tela rudes trunci, galeæ vacua ora leorum”

e) In vertendis hisce epithetis dubius hærere videtur DAMM, utrum χαλκος per æs, an ferrum vertat; unde vero dubitandi ensam arriperit, dictu difficile est. Licet namque χαλκος plura interdum exprimere videatur metalli genera; de galeis tamen quando est scimus id fieri dubitamus: expresse enim ferrum ab ære pluribus locis distinguit Poëta, ferreæ tamen galeæ nunquam facta mentione.

Patet igitur ex allatis modo epithetis, e nullo alio metallo, quam ex ære tantum fabricatas fuisse heroum Homericorum casides. Quamvis enim Il. V: 744 etiam galeæ aureæ facta sit mentio; urgere tamen idcirco non debeimus, capitis munimenta re vera ex auro unquam fuisse confecta. Nam cum ibi de armis agatur *Minervæ*, notumque sit e pluribus carminum Homericorum locis, non modo omnem Deorum supellecstilem, verum etiam arma, atq; ejusunque usus instrumenta, præcipue ex auro Vulcania arte fuisse fabricata; sufficiens omnino non adeat ratio, heroum quoque casides, cristis licet aureis aliquando decoratas, pari modo ex auro totas quantas elaboratas fuisse contendendi. Accedit, aurum, ob mollietatem suam, majoremque gravitatem specificam, ne idoneum quidem ad hunc usum fuisse, atque heroës, licet auro ornatis interdum usi sint scutis, thoracibus, e. s. p., turpe forsan & effeminatum existimasse, aureis semet munire armis, quia Amphimachus, cum auro splendens pugnam intraret, *puerilla* vocatur atque *fultus* (f). Commemorat quidem Plutarchus (g) ferreas etiam casides; neque omnino ipsi Homo-ro *ferrum* & *chalybs*, σιδηρος (h), *argentum*, αργυρος, *stannum*, καστανεος, atque *plumbum*, μολυβος l. μολυβδος, ignota fuerunt

f) Cfr. II. II: 872 & sq. — Neque *VIRGILIUS*, *Aeneid.* L. IX: 50, auream cristaque rubra ornatam Turni galeam cantu celebrans, solidi auro confectam, sed splendidam tantum vel inauratam fuisse judicat.

g) In *Camillo*: εχαλκευσατο κρανη τοις πλευσοις ὀλοσιδηρος.

h) *HESIODUM* igitur, qui Εγεραι και ἡμεραι v. 50, his utitur verbis: "μελας δεκτη επικε σιδηρος", de antiquioribus bello Trojano locatum fuisse temporibus, ex ipso etiam contextu est apertum.

runt (i): cum vero hujus generis metalla galeis inserviisse ne verbo quidem moneat Vates, effatumque Plutarchi ad posteriora jure referendum sit tempora; ad veritatem maxime primum esse videtur, laudata metalla Homericis cascidibus materiem non praebuisse, licet alia belli instrumenta haud raro, vel ex iisdem elaborata fuerint, vel saltem illis ornata.

§. 4. For-

(i) Est etiam *xupēos* in HOMERO frequens; an vero aliquod metallū genus re vera significet, praeunte Celeb. KÖPKE, *Lib cit.* p. 83 & sqq., haud sine ratione dubitamus. Quamquam enim, Il. XI: 24 & 35, atque Od. VII: 87, *xuavos* Vossio Stahl audiat, neque contextui male quadret, hæc versio; veri tamen est similius, *xuavov*, cœruleum tantum indicare colorem. Ut enim taceamus, laudatum vocabulum nullibi, ubi occurrit, metallicam necessario indigitare materiem, plurima e contrario sunt loca, ubi colorem non posse non significare, ex. gr. Il. V: 345, & XX: 418, ubi de nubibus, Il. X: 402 & Od. XVI: 176, ubi de capillis, Il. I: 528 & XIII: 102, ubi de superciliis, atque Il. XXIV: 94, ubi de vestitu Thetidos lugubri, est sermo. Tendum quoque est, neque Græcos, nec Romanos Historiæ Naturalis Scriptores voce *xuavos* chalybem vel aliud quoddam metallū genus expressisse; sed contra apud PLINIUM, *Hist. Nat.* L. XXI: C. XI. §. 39, colorem floris cuiusdam illo indigitari, & L. XXXVII: C. IX. §. 38, gemmam, quæ ad Sapphiri speciem accederit. De cetero SALMASIUS, in *Exercit. Plinian.* Tom. I. p. 131 sqq. & p. 202 sqq., probat *xuavos* pigmentum aliquod fuisse. SCHNEIDER, L. c. s. v. *xuavos*, eandem sere probans sententiam, dicit: *bei Homer und Pausan V: 11 bedeutet es eine gewisse Farbenart mit welcher man anstrich oder lackirte,*